

# Dienelkander



## Nuusbrief van die Gereformeerde Kerk Potchefstroom-Oos

7 Februarie 2016

### OGGENDDIENS: Ds. Piet

**Skriflesing en teks:** 1 Petrus 2: 11 - 12

**Tema:** Laat jou gedrag voor ongelowiges 'n getuienis wees wat God verheerlik.

Hierdie twee verse vorm die inleiding tot riglyne wat Petrus gee vir die gelowiges se verhoudingslewe. Hier gaan dit om ons lewe tussen ongelowiges. In verse 13 - 17 oor ons verhouding met die regering, in verse 18 - 25 oor werknemer en werkgewer verhoudinge en in hf 3: 1 - 7 oor die huweliksverhouding.

Alle verhoudinge word egter beheer vanuit jou identiteit in Christus en hoe dit jou innerlike lewe bepaal. Daarom herinner Petrus ons daaraan dat God ons vreemdelinge en bywoners gemaak het en dat ons innerlike lewe daarom rein moet wees sodat ons gedrag kan getuig van sy werke in ons lewe. Ongelowiges sal altyd kritiek op gelowiges lewer maar daar 'n kom dag dat hulle God sal verheerlik omdat hulle Hom in ons werke gesien het.

### Lofprysing ter voorbereiding vir die erediens

Ps. 9-1: 1, 7, 10, 11, 12 en Lied 542: 1, 2 - spesiaal vir ons jonger lidmaatjies

### Ontmoetingsdiens

Intreelied Ps 24:1: 1(almal), 2 (brs), 3 (srs), 4 (almal); Votum; Seën uit Efes 6: 23; Loflied Ps 138:2: 1, 2; Geloofsbelofte van Nicea

### Veroortmoedigingsdiens

HK Vraag en antwoord 115; Gebed; Wet uit Eks 20 ; Sing na die wet Sb 8-1: 1, 2; Gebed

### Woorddiens

Skriflesing; Sing Sb 11-4: 2, 3;  
Woordverkondiging

### Antwoorddiens

Gebed; Liefdegawes; Gebed vir BNB (die gedrag van gelowiges in SA); Sing Sb14-1: 3; Seën; Amenlied Sb13-2.

### AANDDIENS: Ds. Karel

**Skrifgedeelte:** Genesis 49:20 (OAV) en  
Matteus 5:3-12 (NAV)

**Teks:** Genesis 49:20 (OAV)

**Tema:** Aser: Lewe as 'n seën vir ander mense, omdat God jou seën!

In die afgelope week het 'n predikant van 'n gemeente in Alberton gesê dat God hom geseen het met 'n paar miljoen rand en dat hy nou dalk sal moet jammer sê omdat hierdie seën van die Here sommige mense ongelukkig maak. Hierdie uitlating is nie

vreemd nie en ons hoor baie hoe mense God se seën gelyk stel aan finansies. Baie keer word daar ook gesê dat ons mekaar moet "seën" met geskenke of geld.

Wanneer ons hiermee te doen kry, moet ons vra of dit werklik die manier is waarop God ons seën en hoe ons mekaar moet seën. In hierdie geval gee Aser se verhaal, gesien in die lig van die Nuwe Testament en Jesus Christus, vir ons besonderse insig en leiding. Kom ons vind saam uit hoe God ons seën en hoe ons tot 'n seën vir ander mense kan wees.

### Lofprysing en aanbidding

Lied 169: 1, 2, 3

### Ontmoetingsdiens

Intreelied Lied 168: 1, 2, 3; Votum; Seën sing  
Sb 19-3: 1, 2, 3, 4; Gebed

### Woorddiens

Skriflesing; Sing Sb 20-2: 1, 2, 6, 7;  
Woordverkondiging

### Antwoorddiens

Sing Ps 112-2: 1, 2, 3; Gebed; Liefdegawes;  
Seën sing Ps 134-2: 1, 2; Amenlied Sb 13-2.

### MEELEWING

- Christa Pienaar (Groep 27 - 072 731 5667) het die afgelope week toetse aan haar been ondergaan in Pretoria-Oos hospitaal. Sy sterk tuis aan.

Ons wil graag net dankie sê vir almal se ondersteuning en gebede - dit is net wonderlik om in seer en somtyds donker tye die krag van elkeen se gebed en ondersteuning te ervar en veral te beleef watter rustigheid en vrede Jesus Christus daardeur vir ons te weeg bring. Ons prys Sy naam.

Willem en Christa

**Ons bid dat die Here spoedig beterskap, herstel en troos sal gee.**

### ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Srs Filina Coetsee, Marianne Kruger, Bettie Ras, Janet vd Walt, Hester Buys, Christa Pienaar, brs. Isak vd Walt, Tjaart Snyman en Fanie Bezuidenhout.

### ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir:

[siekес@oosdoppers.co.za](mailto:siekес@oosdoppers.co.za) of  
Em Volschenk (082 564 1940)

### BAIE WELKOM AAN:

Francois du Toit en Simoné van Niekerk met JP van Niekerk wat by ons gemeente inskakel.  
(Villa Lou-Ann nr 12 , gr 35)

### SOSIALE MEDIA VIR ONS GEMEENTE

Webblad: [www.oosdoppers.co.za](http://www.oosdoppers.co.za)

Facebook: [www.facebook.com/oosdoppers](https://www.facebook.com/oosdoppers)

Ons wil ook graag 'n vriendelike versoek rig dat u nie op die gemeente se elektroniese sms-stelsel terugantwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.

### KONTAKBESONDERDE: PREDIKANTE & KANTOOR

Ds. Piet: 018 290 5635 / 082 779 1237

Ds. Karel: 018 294 3067 / 072 476 8794

Kerkkantoor: 018 290 7690

### NAME WAT AAN DIE GEMEENTE VOORGEHOU WORD VIR DIE AMPTE AS OUDERLING OF DIAKEN:

Ouderlinge: Christo van der Walt, Janus Earle, Petri Schutte, JD Aucamp, Anton Styger, Theo Coetzee

Diakens: Werner Pfeiffer en Dawie Grobler

## AFKONDIGINGS

### Vandag

09:00 Gebedsgroep  
09:30 Oggenddiens  
Tee en Koffie  
Katkasisie Les 3  
Kleuterbediening  
18:00 Aanddiens

### Maandag

17:15 Finans Diensgroep  
19:00 Bestuurs Diensgroep  
19:00 Gholfdag

### Dinsdag

06:00 Manne Ondersteuningsgroep  
18:30 Saalprojek Diensgroep

### Woensdag

16:30 Katkasisie Gr 9  
17:15 Katkasisie Gr 10  
17:15 Katkasisie Gr 11  
18:00 Katkasisie Gr 8

### Donderdag

10:00 Brei-groep

## VERJAARSDAE

**Baie geluk aan almal wat DV hierdie week verjaar!**

### Sondag, 7 Februarie

Jbr Eddie Coetsee	072 567 8951
Br Willie Kruger (76)	018 290 5492

### Maandag, 8 Februarie

Br Gerhard Kruger	072 064 0827
-------------------	--------------

### Woensdag, 10 Februarie

Sr Lenandi Coetzee	076 255 2161
Jbr Divan Styger	

### Donderdag, 11 Februarie

Sr Paula Aucamp	082 555 3760
Br Dricus Nortjé	082 745 5382
Sr Anri Truter	082 579 4715

### Saterdag, 13 Februarie

Sr Aliana Duvenhage	082 888 9274
Sr Corlia Labuschagne	082 821 4236

## ANDER AFKONDIGINGS

- Liefdegawe vanoggend vir Barmhartigheid
- Gawe by die deure vanoggend vir die Dankbaarheidsfonds.
- Gawe volgende Sondag vir die GKSA: Sustentasie.
- Vrywillige bydrae vir voertuigsekeriteit in die bussies by die deure.
- Diensbeurte: Groep 41 en 42

## KENNISGEWINGBORD

- Potch Dienssentrum Begrafnis- en ondersteuningsplan
- Cansa Relay - 5 Maart 2016
- Wêreld Kankerdag
- Valentynsbazaar – Dienssentrum 16 Februarie

## TERUGVOER OOR DIE BUITENGEWONE ALGEMENE SINODE

Baie dankie aan al die lidmate wat hierdie geleenthed bygewoon het. Indien daar van ons lidmate is wat nie die geleenthed kon bywoon nie, maar tog wil weet wat op die Sinode besluit is en wat ons kerkraad se standpunt is, kan hulle in kontak tree met die kerkkantoor. Vrydagaand se sessie is per DVD opgeneem en bestellings hiervoor kan by Adele ingegee word.

## 2016: `n JAAR VAN FOKUS OP DIE JEUG

Die jeug van ons gemeente is `n baie belangrike deel van ons gemeente. Ons het nagenoeg 129 dooplidmate in ons gemeente en 49% van ons gemeente bestaan uit gesinne met dooplidmate. Tydens `n Ou Testament-kennistoets in een van die katkasisieklassie het `n paar dinge duidelik geword, onder meer dat slegs een van sewe katkisante name kon gee van Jakob se seuns. Nie een van hierdie dooplidmate kon `n naam gee van `n klein of `n groot profeet nie. Nie een het geweet dat Set ook `n kind van Adam en Eva was nie en ook nie wat die Naam "Here" beteken nie.

Hierdie is maar net `n paar van die redes waarom die kerkraad aan die einde van 2015 geoordeel het dat ons in 2016 sterk moet

fokus op die bediening van en aan die gesinne in ons gemeente.

‘n Integrale deel van ons bediening aan die jeug is die kategese. Om meer aandag aan die kategese te gee, is daar reeds in 2014 besluit om die eredienste te vervroeg vanaf 10:00 na 9:30 op Sondagoggende. Veral die hoërskoolkatkisante benodig meer tyd om deur hulle lesmateriaal te kom. Daarmee saam spandeer die katekte baie tyd aan voorbereiding vir die lesse. Om hierdie rede het die kerkrAAD besluit dat die katekte (veral van die hoërskoolklasse) tot 11:30 op ‘n Sondagoggend geleentheid het om die lesmateriaal met die katkisante te hanteer.

Ons vra dus elke ouer se samewerking in hierdie verband. Ons kinders se geestelike vorming en groei is onsettend belangrik vir ons en daarom dat ons werklik moete wil doen hiermee. Indien daar egter ‘**uitsondering**’ is waar u kind(ers) vroeër moet vertrek op ‘n gegewe Sondag, vra ons dat u asseblief die nodige reëlings vroegtydig met die betrokke katekte sal tref.

### **GROEPLEIERBYEENKOMS 22 FEBRUARIE**

Ons herinner al ons groepleiers aan hierdie belangrike byeenkoms op Maandagaand, 22 Feb. In groepe waar daar nie tans groepleiers is nie, sal ons die betrokke ouderling en/of lede van die groep vra om die geleentheid by te woon en die toerusting wat gegee word, aan die groepe deur te gee.

### **KENELKANDER**

Ons is reeds besig met die saamstel van die Kenelkander vir 2016. Omdat dit duur is om die boekie te druk, druk ons die jaar weer net op bestelling. Skryf asb. jou naam op die bestellys in die voorportaal van die Skuur indien jy graag ‘n boekie wil hê.

Ons vra ook dat lidmate wie se persoonlike inligting verander het dit so gou as moontlik aan die kerkkantoor deurgee, sodat almal se nuutste inligting in die boekie is.

Indien daar lidmate is wat as borg wil optree deur u besigheidsadvertensie in die boekie te plaas, sodat die gemeente u besigheid ondersteun, kan u gerus vir Adele in die kerkkantoor skakel.

### **BENODIG VIR STUDENT: CHEER MOTSHWAIWA**

Cheer Motshwaiwa is ‘n kandidaatstudent aan die Teologiese Skool. Hy is lidmaat van GK Ikageng Bophirima. Hy het in 2015 tweede semester met drie eerstejaarsvakke begin, wat hy aldrie geslaag het. Hy is nou volwaardige eerstejaarstudent om die res te voltooi. Cheer het ‘n kamer nader aan die TSP gekry, maar dis nie gemeubileerd nie. Hy kort ‘n klein lessenaar/tafel waarby hy kan studeer, asook ‘n klein yskassie. As u dalk behulpsaam kan wees, sal hy dit baie waardeer. Sy selfofoonnummer is 081 498 4068.  
By voorbaat dankie.

### **BREIGROEP**

Kom brei saam met ons met ‘n DOEL - volgens die opdrag in Matt. 25:40 “En die Koning sal hulle antwoord: ‘Dit verseker Ek julle: Vir sover julle dit aan een van die geringste van hierdie broers van My gedoen het, het julle dit aan My gedoen!’” Ons wil graag vir die winter wat voorlê mense van warm serpe, truie en musse voorsien, ons benodig egter meer gewillige hande en harte wat ons kan bystaan om mense warm te hou. Dankie vir diegene wat reeds help.

Ons vra ook gewillige harte vir skenkings van wol - daar sal ‘n kartonhouer in die voorportaal wees vir skenkings.

Kontak gerus:

Annetjie Vermeulen - 082 764 4826

Lien Malan - 072 281 5895

Engela vd Walt - 082 556 7806

### **AMANDELBLOEISELS**

Ons wys al die Amandelbloeisels daarop dat ons NIE die 10de Februarie bymekaar kom nie, maar wel die 24ste Februarie. Die byeenkoms in Maart word dan ook heeltemal gekanselleer.

## BAIE DANKIE

Baie dankie vir die pragtige blomme met my verjaarsdag - ek waardeer dit baie!  
Tannie Nansi de Klerk

## TOTSIENS

Ds Piet, ds Karel en al die Oosdoppers ...

Hierdie is seker een van die moeilikste en tog dankbaarste brieue wat ek al in my lewe van 73 jaar moes skryf...

Die Here het ons, vir my en Kosie, in julle gemeente geplaas in 2002. Die afgelope 14 jaar het die lewe sy pad gestap en daar het so baie dinge in my lewe gebeur. Met elke op en af, elke tree was die predikante, kleingroep, mede-broers en -susters daar om my te help, te bid, te troos, te ondersteun en my geestelik te dra. Ongeag hoe die kronkels van my pad die laaste jare gegaan het, was die jaar wat verby is seker die grootste beproeing wat ek as Koningskind moes trotseer. Ek was feitlik die hele jaar in Pretoria en van die jaar, drie maande in die hospitaal waarvan ek weining kan onthou. Fisies het dinge nie goed gelyk nie, ek moes weer leer opstaan, leer loop, weer onthou, weer mens word. Al kon ek nie in Potch by julle wees nie, het die Oos-doppers my steeds nie vergeet in gebed nie – julle het my anker veilig in Jesus gehou toe die Heilige Gees vir my moes intree en ek dit self nie kon doen nie. Baie dankie daarvoor!!!

Aan die predikant, baie, baie dankie vir julle besoeke – Pretoria is ver!! Vir elke sms, elke whatsapp-boodskap, elke oproep – woorde sal my dankbaarheid nooit gestand doen. Ek kan nie mense uitsonder nie, dit sou onregverdig wees, want ek sal iemand vergeet of oorslaan... Aan elke Oos-dopper: Ek moet julle groet en weer gaan oor begin in Pretoria, nabij my kinders waar daar beter versorging vir my is. My hart is steeds in Potch by julle elkeen, maar die Here het ook 'n doel met my hier, in my nuwe gemeente in Montana. Dit gaan goed met my en ek bly baie lekker in 'n nuwe, klein woonstelletjie in Baugainvillea Aftree-oord. Die loop wil nog nie reg nie, so moet asb steeds nie van my vergeet nie – ek

moet weer vir 'n knievervanging gaan in Potch en ek sal beslis weer julle gebede nodig he!

Ek is nederig dankbaar vir dit wat ek by julle kon leer en vir die vriendskappe wat altyd deel van my lewe sal wees. Dit is my gebed dat die Here elke lidmaat, die predikante en die gemeente se bediening ryklik en bo-verwagting sal seën!

Met baie liefde, Tannie June Kruger

## PROJEKTE 2016 GHOLFDAG - VRYDAG, 19 FEBRUARIE



Baie dankie vir die ondersteuning van ons gholfdag die jaar.

Die sukses van die dag hang af van ons borge en donateurs.

U kan op die volgende wyse betrokke raak:

- 4-bal-borg R1500-00
- Putjieborg R 500-00

Ons tyd raak nou min. Ons nooi ook lidmate uit wat graag gholf speel om hul name deur te gee vir 'n 4-bal of as hul wil saam speel.

### Gholfdagreëlings:

- Datum: 19 Feb 2016
- Tyd: 11:00 "shotgun start"
- Plek: Potchefstroomse Buiteklub
- Formaat: BB
- Pryse: Baie groot vleispryse en meer

Betaling is vooraf moontlik sodat ons u plek kan bevestig.

Vir enige navrae kontak gerus ons gholf-organiseerders:

Ryan Bezuidenhout – 082 464 6310

Walter Plotz – 083 487 7497

Theo Coetzee - 083 538 3162

*Die gholfkomitee nooi alle gemeentelede om die dag saam te kom kuier en ons projek te ondersteun.*

*Hulp word benodig: Op die baan waar water voorsien word en met die braai van wors vir middagete.*

## **SENDINGKONFERENSIE – 13 FEBRUARIE**

In samewerking met die deputate vir sendingkoördinering bied die GK Brooklyn 'n sendingkonferensie op 13 Februarie 2016 aan. Hierdie konferensie is die opvolg van 'n vorige konferensie wat verlede jaar deur die GK Centurion aangebied is. Tydens die konferensie gaan opleiding gegee oor kontekstualisering, kulturele sensitiwiteit en uitdra van die evangelie. Kerke gaan die geleentheid hê om mekaar uit te nooi om venote te word in sendingwerk en uitreike wat hierdie jaar plaasvind. Alle lidmate is welkom – dit is 'n wonderlike geleentheid waar ons almal iets kan leer oor sendingwerk.

Stuur asb. voor 8 Februarie 2016 'n e-pos aan [kantoor@gkbrooklyn.org.za](mailto:kantoor@gkbrooklyn.org.za) indien u die konferensie wil bywoon sodat ons die getalle kan finaliseer. Sien die program op die kennisgewingbord.

## **SYFERFONTEIN**

Ons was baie gelukkig om nog 'n huis in Ikageng vir die huisvesting van seuns wat hoërskool toe gaan, te kry. Die huisie het egter net beddens in.

Ons benodig asb:

1. Yskas -- As dit nog reggemaak kan word dan stel ons belang
2. Eetkamertafel en -stoele vir eet en studeer.
- 3 Sitvertrekmeubels

Dankie, Koot van der Walt (079 395 2789)

## **KLANK- EN BEELDSPAN**

Ons benodig weer lidmate om ons te help met die klank en beeld op Sondae. Kontak asb vir Eddie Coetsee indien jy bereid is om deel te raak van hierdie span.

## **DIAKONIE**

Lieve gemeente,

Die Diakonie se finansies is tans onder druk vanweë verhoogde behoeftes en ons doen 'n beroep op lidmate om met die gee van liefdegawes onder die erediens hieraan te dink en ook op ander wyses bydraes te lewer bv. deur die gee van nie-bederfbare kosprodukte in die houers wat daarvoor voorsien is in die voorportaal. Kontak Faan Oelofse (084 620 0326) vir enige navrae / inligting.

## **SKRYWE VANAF DIE SINODALE DEPUTATE VIR DIAKONALE SAKE: DROOGTEHULP**

Ons is almal bewus van die knellende droogte wat tans oor groot gedeeltes van ons land heers. Almal word nie in dieselfde mate deur die droogte geraak nie. Die mense wat die meeste geraak word, is persone wat direk by boerderybedrywighede betrokke is. Dit kan wees dat diakonieë reeds betrokke is, of betrokke gaan raak by lidmate/gesinne in 'n boerderybedryf wie se lewensoronderhoud onder druk gekom het.

Diakonieë word daarop gewys dat hulle die bestuur van SDDS vir hulp uit die Noodfonds kan nader ten opsigte van merietegevalle by gesinne in 'n boerderyomgewing. Die doel van die Noodfonds is om diakonieë in gevalle van uiterste nood te probeer bystaan.

U broeder in Christus,  
Hannes Vorster - SKAKELDEPUTAAT

## **OOSDOPPERTJIE ANTWOORDE VIR VANDAG:**

Woon- en skuilplekke was:  
Tent, Paleis, Huis, Grot en Spelonk.

Dawid was in elkeen.

# Susters



## TEESKINKGELEENTHEID

Tee word vandag in die Skuur bedien onder die leiding van Maryna vd Walt (groep 13), Anelle Venter (groep 14) en Lien Malan (groep 26).

Baie dankie aan die groepsusters en hulle groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

## SUSTERSBYDRAE

Die susters se fondse word verkry uit elke suster se vrywillige bydrae (R150 per jaar) en die fondse wat geïn word tydens fondsinsamelingsgeleenthede. Hierdie geld word gebruik om uit te reik na minderbevoorregtes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.

## SUSTERSAAMTREK

“n Vrou is SO deur God geskape dat sy liefde in oorvloed het.”


Die susters van Potch Mooirivier nooi ons hartlik uit om hierdie dag saam te deel en God se liefde oor die lengte en breedte van die aarde te laat weergalm!

Ons moet so gou moontlik getalle deurgee, daarom vra ons dat name vandag reeds op die lys in die voorportaal geskryf sal word.

Kostes: R130 p/persoon

## KWARTAALPROGAM

16-Feb	Dinsdag	19:00	Blok C	Sustersamekoms
19-Feb	Vrydag	10:00	Almal	Gholfdag
06 Mrt	Sondag	19:00	Blok B	Ouderlingevergadering - verversings
05 Mrt	Saterdag	09:00	Naamllys	Sustersaamtrek: Gereformeerde Kerk Mooirivier
12 Mrt	Saterdag	16:00	Blok A	Nagmaal-ete



# OOSDOPPERTJIE-NUUS

**Lees 'n bietjie die week deur die Boek, 1 Sameul en skommel die letters om antwoorde te kry - hierdie is almal woon- of skuilplekke:**

**ettn** = \_\_\_\_\_



**lepsia** = \_\_\_\_\_



**usih** = \_\_\_\_\_



**rotg** = \_\_\_\_\_



**kneslop** = \_\_\_\_\_



Wie is die koning wat in elkeen van die plekke was? \_\_\_\_\_

**BAIE DANKIE AAN ONS BORG VAN DIE WEEK!**



**MOOI RIVIER**  
APTEEK PHARMACY  
Elke dag oop tot 20:30

Kerkstraat 199  
Potchefstroom  
Tel: 297 7247

ESTÉE LAUDER

ORLANE PARIS

PAYOT PARIS

Kanebo

CLARINS PARIS

ROC

REVLON

GREEN + CROSS